

MME IKỌ NDURI-UTỌN

Mme Hebrew 3:7-19; 4:1-13.

ỌYỌHỌ UKPEP-ŊKPỌ 434

Eke Mkparawa

IKỌ IBUOT: “Mfin, edieke mbufo edikopde uyo Esie, ekusọn esit mbufo” (Mme Hebrew 4:7).

Paul, Owo-mbet ama anam ańwańa usuń nte ekpebode erinyańa edi enye ama onyuń ọnọ mmọ ntọt abańa se idiwọrọde inọ mmọ edieke mmọ edisinde etop erinyańa. Ini kiet ke Paul okosuk ewetde ńwed ọnọ esọk mbon Corinth ke abańa ndusuk ndiọi ńkpọ emi Nditọ Israel ekenamde ke ini mmọ eduyode ke akai-ikọt, enye ama etiń ete: “Mme ńkpọ emi ekewọrọ mmọ, man edi uwut-ńkpọ enọ owo; ekenyuń ewet mmọ ndida nteme nnyin” (1 ńwed Corinth 10:11), me ndida nnọ nnyin ntọt. Mmọ edi mme ikọ nduri utọń ke abańa ufen emi Abasi ọdọńde etiene idiọk-ńkpọ, ndien edieke nnyin mmiyomke ndibọ ukem ufen oro, nnyin inyene ndikpeme man ikunam idiọk-ńkpọ.

Esit Ọsọń

Nnyin ima ikpep ibańa Mbuot Abasi Ita ke Kiet. Ke ukpep-ńkpọ emi, nnyin ikut nte Edisana Spirit (emi etińde ebańa enye nte ọyọhọ mbuot Ita) etińde ikọ ndiwut idaha Esie. Edisana Spirit ama oduri nditọ Israel utọń ke ini Akani Ediom, ndien Paul ọtọńọ ntak ọnọ nnyin item oro ete nnyin ikusọn esit. Didie ke owo ekeme ndisọn esit esie? Ke nditre ndisuk ibuot nnọ mme Ibet Ọbọń. Ini ekededi eke owo ọsọńde ibuot, esit esie akabare ọsọń esisit akan eke akpa. Ke akpa ifet ekeme ndifuhọ ke ini enye anamde idiọk-ńkpọ kiet, edi ke enye osuk awakde ndisọn ibuot ye Abasi, esit esie eyekabare ọsọń tutu enye ikemeke aba ndikere nte ke imọ imedue. Suń-suń uyo oro ke esit esie iditińke aba ikọ inọ enye.

Unana-edinim ke akpanikọ ńko ananam esit owo ọsọń: nditre ndinim nte ke Abasi eyemia anam idiọk-ńkpọ ufen; nditre ndinim nte ke Jesus ekeme ndinyańa owo nsio ke ofuri idiọk-ńkpọ; nditre ndinim nte ke ufọn odu ndidu edisana uwem. Edieke nnyin ikade iso ndiyik mbak Ikọ Abasi ekededi, esit nnyin eyesọń.

Okposuk edi nte ema ekenyańa nnyin, ńkpọ ndik osuk ododu ndinam mbuotidem nnyin ke Jesus ọfionọre, ndien nnyin itọńọ ndiyik Ikọ Esie, ekeme ndidi ata ekpri ubak Ikọ oro. Edieke nnyin misọńọke ke mbuotidem mfin nte ekedide ke ini Ọbọń ekebemde iso anyańa nnyin, ọkpọfọn nnyin ndiduńọre nse mme nnyin isuk idodu ke erinyańa. Ekeme ndidi ke nnyin ima iduok “akpa ima” oro. Paul ekese enye ke ata akamba ńkpọ. Enye ọkọdọhọ ete: “Ekpeme.” Kpań utọń! “Enọ kiet eken item.” Eduri kiet eken utọń mbak nti ńkpọ emi Abasi ọnọde edfionọre ọwọrọ ke uwem nnyin.

Idiọk-ńkpọ ababiańa. Satan ekeme ndimen ńkpọ eke etiede nte ọfọn ada odomo nnyin ndien nnyin inyuń ikere ite ke idiọk iduhe ndinam nte enye otopde esin nnyin ke ekikere. Edi edieke nnyin ikpańde utọń inọ Spirit Abasi, Enye eyenọ nnyin ntọt abańa mme ńkpọ eke mifonke. Edieke nnyin isinde ndinam item oro, nnyin iyeduọ oto ke idomo oro, ndien esit nnyin eyesọń.

Ndisọńọ Mmum ńkama

Paul anam man ańwańa ete ke eyenyańa nnyin ke nsinsi, iyenyuń idara ke Obio-Ubọń Christ ye Enye nte nditọ ye nsańa-utom Esie, edieke nnyin “isọńọde imum mbuotidem eke ikenyenede ke eritọńọ tutu osim akpatre” (Mme Hebrew 3:14). Oro ọwọrọ ete edieke ema ekebem iso enyańa nnyin, nnyin inyene ndimum ifiọk erinyańa oro ńkama, inyuń idu uwem ke esit kpukpru usen, man nnyin ikeme ndidu ke mbeńidem ke ini Jesus edide. Ke enamde nnyin isana, edi mmem-mmem “ndimum mbuotidem nnyin ńkama,” edi, mmem-mmem nditre ndifiak edem, Ndien ke nnyin ima ikọbọ uduok-mmọń Edisana Spirit, nnyin imenyene ọyọhọ ukeme ndikan idiọk-ńkpọ ubok. Do ke nnyin inyene Edisana Spirit ke idem nnyin nditeme nnyin ke abańa abiańa emi idiọk-ńkpọ akamade.

Abasi ama anam akamba utibe ńkpọ ke ini Enye okosionode Nditọ Israel efep ke ufin ke isọń Egypt. Mmọ ekedi ifin ke Egypt, edi ke okoneyo kiet mmọ ema ewọrọ ofuri ofuri, inyeneke ubiọńọ

baba kiet; Abasi ama ọdọhọ ete ke baba ebua kiet “iditopke edeme esie” ise mmọ. Abasi eyekpeme ikọt Esie.

Uñwam Abasi

Edi ke akamba edifak oro ama akada itie, nditọ Israel ikenimke Abasi ke akpanikọ, ndien esọñ ibuoṭ ye Enye. Ntre isañ emi akpadade mmọ isua iba ndisaña (ke ukem ini emi ema ekebeñe mmọ idem nte idut man eduk ke Canaan) ama aka iso ke isua aba tutu kpukpru owo emi ekedide isua 20 mme akande oro ke ini mmọ ekekpọnde Egypt, ema ekpaña. Ke ofuri isua aba mfina ama odu ke ufọt mmọ ye Abasi. Afo emekeme ndikere ete ke mmọ ema edara ebaña ediwoṛọ ke ufin mmọ, ndiwoṛọ ke ubọk enyene ndik ye ọsọñ ido andikara, Pharaoh, emi akanamde mmọ enam ata ọkpọsọñ utom, onyuñ amiade mmọ ediwak ikpa ke ini mmọ eyatde enye esit. Abasi ama ọnọ mmọ udia nte ekemde ke kpukpru usen man idem ọsọñ mmọ; “Owo ata uyo angel, enye ọnọ udia esọk mmọ eyuhọ” (Psalm 78:25); edisine-ñkpọ mmọ ikonyuñ itahake, “Edisine-ñkpọ fo ikatahake fi ke idem, ukot fo ikonyuñ ifutke, ke ofuri isua aba emi” (Deuteronomy 8:4); Abasi ama ada obubit enyoñ ofuk mmọ mbak ufiop ke uwemeyo, onyuñ ọnọ uyama ke okoneyo oto ke adaha ikañ (Psalm 105:39); Enye ama ọnọ mmọ mmọñ eñwoñ ke edisat isọñ akai-ikọt oro, “Enye asiak itiat, ndien mmọñ otop ọwoṛọ; ndien asaña ke edisat ebiet nte akpa” (Psalm 105:41), Kpukpru mme ñkpọ oro Abasi ama anam ọnọ Israel, edi kpa ye oro “koro mmọ minimke uyo Abasi ke akpanikọ, minyuñ ibuoṭke idem-mmọ ke erinyaña esie” (Psalm 78:22). Ke ntak oro Abasi ama ayat esit ye mmọ onyuñ ọdọhọ mmọ ete ke mmọ ididukke Canaan. Mmọ ikekemeke ndiduñ ke mme obio me ke mme ufọk itiat, mmọ ekesuk eduñ ke mme ataya. Ndusuk ini akana nte mmọ ekeñwana ekọñ ye mbon emi mikoyomke mmọ esaña isọñ mmọ ebe. Mmọ ema ekut akwa ukut, edi, mmọ ekedi ntak ukut mmọ.

Ndusuk idaha, ubiere-ikpe ama osim nditọ Israel ndien ediwak thousand enyuñ ekpaña. Ke ini Dathan ye Abiram ekenamde idiok-ñkpọ, ukpe emi akasihade ke isọñ ama emen mmọ ye ofuri ufọk mmọ ndien mmọ efen emi esimde 250 ema ekpaña ke ini mmọ ekefopde incense, emi misaňake ikekem ke mbet Abasi. Ke edem usen oro ediwak owo ekuni ñkuni ebaña mme ubiere-ikpe emi, ke ntak emi Abasi ama ayak akwa ufen oduk ke otu mmọ ndien 14,700 ema ekpa. Ke akpatre Abasi ama ọdọhọ ete “Mmọ eyoyo kpukpru ini ke esit mmọ: Mmọ inyuñ ifiokke usuñ Mi; Mma ññwoñọ ke iyaresit nte, Mmọ ididukke ke nduok-odudu Mi” (Mme Hebrew 3:10, 11).

Isọñ Nduok-odudu

Canan ekedi ediye Obio, isọñ onyuñ ọfọn ye se etode, edim ye uyama utin onyuñ anam mbuñwum ewak eti-eti. Abasi ama ọñwoñọ ndibin idut mme okpono ndem mfep ke isọñ oro mbemiso mmọ ebe eduk, ke ntre, ke akpanikọ emi ekpekedi ata isọñ nduok-odudu. Edi, akakan nduok-odudu kebet nnyin ke iso, Heaven.

Ke Abasi ama okobot enyoñ ye isọñ ye kpukpru se idude ke esit, Enye ama ọduok odudu. Ke ini Jesus ama akanam utom edinyaña Esie okure ke isọñ, ke ema ekekoñ Enye ke krọs ndien Enye onyuñ eset; Enye ama ọnyoñ aka ke Heaven man ọkọduok odudu. Idaha emi nnyin imenyene utom ndinam ke isọñ, ndikọ mme ukpọñ nnọ Jesus ke ini emi nnyin isuk idude uwem Anditiene-Christ emi ananade ndo, ke oro ebete nnyin iyeduk ke Heaven ndida nduok-odudu ñko. Nduok-odudu oro kebet nnyin, edi nnyin inyene ndibeñe esit nnyin idahaemi man idu ke mbeñidem ndibe nduk ke esit.

Abasi anam ediwak ñkpọ ọnọ nnyin mfin emi koro Enye amama nnyin onyuñ oyom nnyin ifọn inyuñ inen man ikeme ndidu ye Enye ke Heaven. Edi edieke nnyin minimke mme eñwoñọ Esie ke akpanikọ, edieke nnyin isinde ndiyak uwem nnyin nte ekemde nnọ Enye man Enye ọkpọnọ nnyin mbuqtidem man ikeme ndibọ mme edidiọñ eke esaňade ye mme eñwoñọ Esie, nnyin ididukke ke nduok-odudu Esie. Paul etiñ ọnọ nnyin ete ifehe ndik man nnyin ikunam ñkpọ emi ekemede ndinam nnyin ikudot ndiduk Heaven. Nnyin imekeme ndikut mme ñkpọ emi nditọ Israel ekenamde emi ọkọbiọñode mmọ ndiduk Canaan, ndien mmọ edi nti ntọt enọ nnyin, man nnyin ikunam ukem mme ñkpọ oro.

Nti utom nnyin ikpọñ-ikpọñ idikemeke ndinam nnyin idot ndika Heaven. Abasi ọmọfiok esit onyuñ okut kpukpru ndiọi ekikere ye udọñ esit eke ekpedibede do. “Koro Ikọ Abasi enyene uwem, onyuñ ananam ñkpọ, onyuñ ọsọp akan kpukpru ofut iso iba, okim abahare ukpọñ ye spirit, ye ikek ye

ndia; onyũ enyene ukeme ndidũõre ekikere ye uduak esit owo” (Mme Hebrew 4:12). Eyeda Ikõ Abasi ekpe ikpe enõ nnyin ke ini nnyin idade ke iso Ebekpo Ikpe, ndien kpukpru ibet emi akarade edu uwem nnyin mi ke isõn esine ke Nwede Abasi. Kpukpru ndudue emi akananam nnyin inamde (edieke owo mmikufenke inyuũ ifuk ke Iyip Jesus) eyewõrõ ewut idem. “Kpukpru ñkpõ ena iferi ye ata iñwañ-iñwañ ke enyin Abasi, emi nnyin isañade ñkpõ ye Enye” (Mme Hebrew 4:13).

MME MBUME

- 1 Anie anam owo okop ubiom-ikpe idiõk-ñkpõ?
- 2 Didie ke mme owo enam esit mmõ õsõn?
- 3 Siak ndusuk nti ñkpõ emi Abasi akanamde õnõ Nditõ Israel ke Akai-ikõ?
- 4 Edibeñe idem mmõ man eduk ke Canaan õkõõõp didie? Nso idi ntak emi mmõ mmikekemeke ndibe nduk ke ini oro?
- 5 Nso ikotibe inõ nditõ Israel ke ini emi mmõ ekesõnde ibuat ye Abasi?
- 6 Tiñ nte Isõn Canaan eketiede?
- 7 Abasi akanam nso ke Enye ama okobot ererimbot ama?
- 8 Nso ididi nduõk-odudu nnyin edieke nnyin idide mme Anditiene-Christ eke enyenede erikan?